

縣志 353

76961

DL340.205

42

新三 = 1~10

賀縣志卷壹

中華民國

二十三年

夏月刊印

賀縣志全部綱目

第一編地理 賀信舊疆域圖 縣城舊圖 賀縣新輿圖

縣城新測圖 各鄉分圖 疆域沿革考 分野 封建

疆域 地勢概況 地質 諸山 諸川

關隘形勢及邊防狀況 氣候

第二編社會 民族附姓氏 風俗 疆里 廂里

戶口附生活狀況 今昔消長原因 區鄉團村沿革 職業團體 慈善團體

社會問題

第三編政治 歷代職官 財政 教育行政 實業行政

選舉 建置 警政 水利 倉儲 郵政 祀典

賀縣志 卷一 全部綱目 賀縣華美商店承印

司法附監獄 外交事務 地方自治制度 軍政 邊備

第四編經濟 金融機關 貨幣 經濟政策 產業

官營事業 荒地 經濟生活狀況 交通

第五編前事 災異

第六編文化 宗教 教育 哲學 科學 文學

藝術 著述 金石

第七編官績 謫宦 流寓

第八編列傳 列女傳

第九編古蹟 名勝

第十編雜記

賀縣志卷一

第一編 地理

賀信舊疆域圖

縣城舊圖

賀縣新興圖附記

縣城新測圖

各鄉分圖

疆域沿革考

分野

封建

賀縣志 卷一 地理部 綱目

賀縣華美商店承印

疆域

地勢概況

地質

山

川

關隘形勢及邊防狀況

氣候

賀縣志卷一

序二

原序

原序

原序

原序

原序

賀縣志

卷一序

賀縣華美商店承印

志者述其舊也所以引起後人思古之意也古之志原各有體例亦代有變遷賀邑舊志乃前輩遺稿未有成書光緒己卯吾師蘇金堂暨各鄉先達將舊本釐訂加以參考採訪而書始成復經十餘年就正博雅歲庚寅始梓行邑人多欲先睹清末變亂兵匪交侵縣志散失百無一存民十五都人士倡議續修舉培煥先鉅從事編纂刻意刺剔仍依舊志體例摭拾成書不敢自信故未付鐫民廿二年廣西省修志局成令各縣設省採輯處訂定廣西省修志綱目并調查方案分爲地理社會政治經濟前事文化宦績列傳古蹟雜記凡十項以縣長爲主任仍舉培煥先鉅任採輯期一年成書事歲復承邑人敦促續修縣志義不容辭第以省志綱目爲應時便覽雖與舊志體

例畧有差別而述舊以引起後人思古之意則一惟省志綱目既已更新縣志綱目自不能無變故仍本舊志實錄照省志綱目分別叙入加以近數十年事迹彙裒編成此亦因時非敢立異稿既脫深懼掛漏貽笑方家所望大雅匡正幸甚中華民國二十三年邑人梁培煥龍先鉅同識

序

讀梁龍二子撰賀邑志序首曰志者述其舊也一語深得史學精義昔仲尼因魯史策書成文馬班就書傳創立體例皆述舊也孟子曰楚謂之檣杌晉謂之乘而魯謂之春秋其實一也予則曰在國曰史在省邑曰志其實亦一也三代上無史經卽史也自四部立而經史分自統一成而史志辨其要在詳人類故事之跡溯黑暗以求光明書褒貶以示勸戒大事小事策簡兼賅况嘗稽載籍中國上無國家史乘下無社會春秋將來史家哀討史材必賴於志故縣志雖云一地之彰往考來實爲輯史之不可或闕兼以梁龍二子之忠貞博雅其排比事類商榷倫物信可顯晦詳平闡幽啓沃饜而飫之也之二

賀

縣

志

卷一 序

二

賀縣華美商店承印

子者其是邦之左丘乎予不才幸廁名斯邑會修志承索序爰述之如此

時

民國二十三年二月十五日韋冠英序

序

縣之有志猶國之有史也顧不重哉賀縣舊志成於清光緒庚寅迄今四十餘年中間經光復改造因革損益之事實變態靡常所當紀載實錄者不一而足乃尙付闕如再歷年所文獻無存後之談掌故者不幾無徵歟民國丙寅春邦人士以修志事進推舉梁君峻齋龍君式如從事編纂凡清代制度及民國制度靡不網舉目張井然不紊志成索序於余余粵稽賀之版圖古稱臨賀一名區也山川之奇文物之盛物產之富風俗之醇甲於各縣晚近以還迭遭兵燹閭閻凋敝羣治頓形退化使得賢有司提倡之扶植之將見發揚蹈厲大放吉光進步速率殆不可以道里計乙丑夏余奉令來宰是邦適值

賀

縣

志

卷一 序

三

賀縣華美商店承印

喪亂之餘瘡痍未復甫下車亟辦清鄉除盜匪漸次興教勸農通商惠工與百姓謀休養生息旰食宵衣不遑寧處期於民生吏治稍有裨益第事方經始百廢尙未具舉愧不足爲志乘光竊喜斯志旣成言之有徵事之有傳不特生斯長斯者讀之油然生敬恭桑梓之心卽輶軒採風者亦得藉資考鏡也爰弁數言以紀崖畧於簡端邦人士其有以教我乎是爲序

時

中華民國十六年六月一日署理知事陳德文簡堂識

原序

乾隆知縣 周心傳

集邑人士爲續修志之議僉曰邑志在前明多舛畧無論矣我朝垂百四十年風土人民泯沒無傳四民所由無觀感興起者職此也公急所當務公之志邑之福也風俗之原莫大於是顧吾賀爲里十八而幅員遼濶周遭巡歷積月不能通遐蒐遠訪分輯編纂在在需人且工料度支亦孔紛頤經費之煩斷非獨力能勝是宜遍爲宣告凡在紳士耆老暨里中秀良罔不周知均宜盡力解輸上襄我公盛舉則觀成不日矣念余復視賀事得行初志以力薄不克獨任仔肩聞言滋媿焉爰述衆論以爲引

原序

邑人 龍皓乾

賀自明嘉靖間太學生費君炳爲邑志前輩有見其書者謂煩簡不稱版本不存存者草本三十餘頁訛舛錯亂不知出自本版否壬辰邑侯周君宰賀議舉之未果向余亦亟欲令兒輩分行周訪編爲紀畧備芻蕘今且未逮癸卯周君復來蒞賀毅然從初願循近例令紳士自爲編纂以輯稿屬余乃訂焉序曰志以紀實今之邑古之國賜履也疆域山川村墟道路皆輿圖所統故首地理地理定則設險以守城郭爲先而官署學宮祠廟相因而立故次建置凡所建置皆以爲民而食爲民天授田有制田者賦所由出急公奉上胥於此覘民風焉故田賦卽次之經田賦者官也司牧以養裕教師儒以教全養

賀

縣

志

卷一

原序

五

賀縣華美商店承印

兩端舉餘皆相助爲理耳故官師又卽次之夫惟立人達人聿稱治化有敷化者斯有沐化者力田孝弟下里賢豪釀成有自矣故次之以人物人材輩興登進之途不一而選舉得人爲多以紹前休以啓後進圖治者用考得失故又次以選舉然邑有志風俗之原也選舉風以文人物風以行官師主持風教也田賦風之自也建置者風所賴以綱維而地理所表著則所謂以其土之風風其土也故以風俗終焉凡七篇

原序

廣西布政使張聯桂

全君墨村宰賀之明年政成民和百廢具舉邑無志乘爰與邦人士徵文考獻因乾隆年間龍君皓乾手著志稿補綴叢殘增以近事編輯成帙將付諸梓垂示將來以賀爲余舊治僉郵書索弁一言當時禁令條教紀述留題多所采取並著於篇德淺能薄何克當此憶同治庚午冬間承乏巖疆距今逾廿餘稔矣茲奉天子命旬宣是邦夙夜兢兢求所以澄清吏治與吾民休養生息發函披牘猶恍與吾父老諏風問俗時竊臨賀爲五嶺之一縣治據山環江犬牙交錯四境之民各安生業商賈雲集田廬櫛比居然繁庶之區也而自兵燹後元氣未復冊籍蕩然所賴良有司暨都人士修明而補葺之者亦亟

亟矣夫邑之有志國史之支流也星野方域山川形勝卽史之天文地理志也戶口田賦農桑物產卽史之食貨志也學校壇廟水利津梁卽史之禮樂志河渠志也志祥異志著述志名宦鄉賢卽史之五行藝文世家列傳也摭拾宜詳體裁必正使後之人周覽輿圖鈎稽掌故恍然於廣輪之數物土之宜與夫政治沿革風俗得失之端察若列眉得以善爲籌謀而徐爲安輯然則方輿紀載其所關於國計民生者豈一手一足之烈哉若夫綱領條目秉筆者各以意創彼此互殊求其美善則上溯元和郡縣志元豐九域志及歷代州邑有名志書此考古之書也官司案牘六曹則例鄉邑譜錄此知今之書也旁搜而博采之擇精守約增損折衷奄有衆長庶幾卓然成一家言

是篇之作之所憑藉其時其地爲力倍難而乃銳意任之補千百年之缺典經數十輩之蒐羅紀事纂言粲然大備用以章志貞教亦可謂知所當務矣墨村爲吏有聲大府疏其能荐於朝溫旨嘉獎益望興養立教勤求上理賀之人方拭目以觀新政之成周濂溪舊游之地林教授生長之鄉流風餘韻當有傳被於無窮者予以斯志之成卜之且與是邦賢士君子共勉之也爰附數言於簡端

光緒庚寅孟夏廣西布政使江都張聯桂序

原序

知賀縣事 全文炳

余宰平邑嘗集都人士續修志書矣時權賀篆爲任君玉森亦以賀志甫成將質博雅嗣因瓜代事不果行去春余蒞是邦問俗采風畧同平邑雖兵燹後元氣未盡復然覽山川之秀麗撫民物之殷繁益見我國家德澤覃敷無遠弗届有官守者宜如何休養生息也耶顧念邑之有乘亦吏治所資賀志始自前明費君本無存板擬取任君所未竟者而刊行之迨晤邑紳知近鈔志稿多出乾隆年間龍君手著真一綫千鈞也猶幸十年前邑孝廉蘇君煜坡龍君紹儀李君熙駿綜十數輩之苦心補千百年之缺典其中舊者訂之新者增之別類分門都爲八卷體例仍龍君之舊而益以藝文一編雖嘉道數十

賀

縣

志

卷一

原序

八

賀縣華美商店承印

年間職官姓名未及旁搜備載要亦綱舉目張矣乃以鮮所折衷不敢自信經孝廉龍君紹儀携赴羊城又經茂才黃生維鈞挈至桂管偶有釐訂未付手民蘇君以近事多遺亟命取歸重加修葺仍慮未經就正難以傳信將來因念方伯張公曾官此地凡風俗政治人物山川靡不親歷洞悉且才識學雅擅三長遂相與呈請鑒定報曰可并賜弁言余既欽佩張方伯舊治關懷宏施斧藻而諸君或膺采訪或任纂修誠能當務爲急矣書將付梓余幸觀厥成爰爲述其巔末

原序

邑人 蘇煜坡

賀之有志肇自前明費君炳繼於乾隆間龍君皓乾費志入國朝已無版本龍君雅意修輯事例完善顧亦未經梓行也光緒己卯邑歛資修學宮僉謂吾賀千百年來文獻無徵乃一缺典搜求龍志僅得鈔本一帙而顛倒錯亂剝蝕者過半因與二三同志悉心釐訂參之省郡各志加以採訪粗成是書惟憾兵燹以後邑中先哲淪亡於嘉道數十年事實無所質證不免遺漏之懼稿既脫龍君品多携赴羊城將以就正博雅久未得人去歲金谿全侯令吾邑首以此事相屬乃將原本寄回先正其亥豕魯魚而益以近事數則體例仍龍志之舊亦以俟有識者論定弗敢僭也校勘畢並述其緣起於此光緒十

賀

縣

志

卷一

原序

九

賀縣華華商店承印

六年庚寅識

賀縣志卷一

地理志

史稱龐士元非百里才後之出宰者輒以百里侯目之此第舉其畧言耳吾賀東西相距二百九十里南北相距二百五十里蓋合數治爲一治故幅員遼濶村落幽邃有蒞官數載猶未能徧歷四鄉者然境內山浮於土土浮於人地據一隅壤接七邑是編於疆域之廣袤山川之時流地勢地質之概況險要之設備氣候之轉移備識之俾司牧者知所自而沿革以考稱名之源流封建以考賜爵之歲月惟分野之說無據故稍畧焉宰斯土者試周覽輿圖綜稽地志則不必躬歷原野而數百里之封固已瞭如指掌矣

舊志

輿圖志

夫賀權輿於縣厥後為郡為州且為國治殊而地亦因之有分合漢

元鼎六年平南粵置賀曰臨賀與封陽今信都鄉下六里地並屬蒼梧郡舊志秦平百粵屬臨海郡按漢書始皇

三十六年秦置南海郡今懷集藤賀等地臨海郡未詳故從省其地原分三國吳黃武五年以其地置臨賀郡統臨

賀謝沐馮乘封陽興安今桂嶺鄉中六里地省志以為桂林府屬之興安富川六縣隸荊州晉仍為郡領

縣如吳隸廣州永嘉元年改隸湘州南北朝宋永和二年又為縣屬

零陵尋升為郡泰始五年建國更名曰臨慶官曰內史仍領六縣臨賀與興安官俱曰相亦有曰長曰令者

齊復名臨賀亦國治統縣如宋皆隸湘州梁武帝析置南郡又改靜

州郡臨賀之名遂廢陳復之隋為賀州屬永平地始合大業元年復

為郡臨賀同蕩山今公會招賢里二縣旋往屬始安隸越州以郡又改為綏越

賀縣志 卷一 地理部 輿圖志 賀縣華美商店承印

也唐武德四年綏越為州即統廢臨賀郡之六縣仍舊臨賀縣興安已改名桂嶺無謝沐增入蕩山貞觀

八年綏越遷賀州置領過使官領縣如故五代初為馬楚地至劉晟乾和以

還皆屬南漢州治並存惟梁尚有賀名號宋屬廣南東路仍為州大

觀二年改屬西路領臨賀桂嶺富川三縣官曰而封陽蕩山已於開寶

四年省入臨賀南渡後因之元如宋領縣增壤集官俱曰自隋大業來地

之分合無定明洪武二年省臨賀桂嶺入州領懷集富川二縣十年

州改縣併桂嶺封陽蕩山地始由分而合與富川屬平樂府懷集

往隸梧州萬曆五年割西境樊家三屯入昭平地乃定周覽輿圖臨

賀一名桂嶺即水經注萌渚省志以謝嶺當之誤矣占五嶺之一為全邑巨鎮北枕謝嶺由嶺而

東芙蓉山名崔巍萬仞當楚粵之交森然屏障其東鷄罩蕉木諸山與

粵左之連山爲鄰蜿蜒不斷重岡疊阜躋若登天西則昭平界之銅鐘名山崇山峻嶺綿亘百餘里直抵蒼梧左右藩籬實稱地險而陸則趨昔之蕩山西南入梧州水則經昔之封陽南出廣肇之開建封川均爲門戶治城獨據上游誠雄邑也舊志